

秦 珺 學 長 來 台 祝 壽

李 紹 偉

旅泰民廿九級秦珺學長，於本年十月十九日，隨同僑團返國，恭祝 總統華誕。

秦學長河南固始人，先後攻讀於滬唐平三院。緣學長係於民國二十五年考入滬校鐵道管理系，就讀僅一年，因七七事變發生，日軍旋攻上海，乃於二十六年冬改赴湖南湘鄉楊家灘，轉學於北平鐵道管理學院。未幾湘北會戰，長沙大火，又隨校轉輾遷黔，唐平兩院合併後，於民國二十九年畢業於貴州平越之唐山工程學院。

秦學長能言善辯，才思敏捷，長於領導，擅於組織，益以中英文根基俱佳，故在校爲風雲人物之一。

早歲在滬院曾與葉大姐佩蘭聯袂參加華東八大學校際辯論比賽，曾榮膺錦標。秦學長思慮精密，口若懸河，一語甫出，四座風生，其動人有如此者。嗣在平唐兩院並先後任學生自治會主席暨三民主義青年團負責人，領袖羣倫，有足稱者。

二十九年畢業後，任職湘桂鐵路，時長沙會戰方殷，後方軍運頻繁，秦學長出入於鎗林彈雨之中，指揮若定，厥功至偉。民國三十一年，應高等文官考試

外交官使領人員及格，復奉調赴中央政治學校高等科受訓，在校四月，曾多次參加中英文講演比賽，屢獲冠軍，頗爲政校教育長陳果夫先生所賞識。嗣由考試院分發外交部服務，先後供職情報、亞東等司，旋奉派赴我國駐泰大使館服務，任內宣慰僑胞，敦睦邦交，殫精竭慮，頗多建樹。

民國三十八年，大陸局勢逆轉，外部各使領館均相繼奉命緊縮，秦學長乃轉入美商森美實業公司工作，以迄於今，刻任曼谷是拉差儲油廠經理。秦學嫂湘女，美慧賢淑，現亦任職於該公司，不乏夫唱婦隨之樂。

秦學長年來雖體力較差，惟神彩奕奕，風韻如昔，老驥伏櫪，志在千里，壯志雄心，不減當年。此次返國祝壽後，並赴中南部各地參觀，親見祖國經濟繁榮之實況，彌增興奮。玆已於十一月十五日返回僑居地，聞秦學長將於明年再度來臺，並擬號召旅泰僑資，開展中泰間國際貿易，以秦學長之長袖善舞，博學多能，深信在今後中泰貿易史上，定可增添光榮之另一頁。